

中國方志叢書·華中地方·第九一七號

據

清·曾毓璋等修
清同治六年刊本

影印

江 西 省

廣昌縣志

(二)

成文出版社有限公司印行

8304771



本書承
日本國會圖書館
以所藏稿本借攝
謹誌並致謝忱

通文閣藏書印

廣昌縣志卷之三

加同知升銜知縣事會毓璋潤甫校刊

學校志

祀典

學溪

學堤

學塘

學店

小學附

民生顓蒙靈明于敦教焉而學學焉而廟者聯師儒事夫子也事夫子者尊夫子之道也知尊道而後知敬學矣知敬學而後知修身矣知修身而後知治人矣知治天下國家矣故曰學與政通也不殊心而得者也

按舊志宋紹興間建學在縣右西縣令承敷遷縣南嘉泰間縣令曹進之遷今所丞相周必大通判劉燾俱有

記紹定三年江閩寇起燬廟學端平三年縣令葛崇節
重創大成殿嘉熙三年縣令趙希誦繼建門廡齋堂朝
散大夫陳艾記元末燬明洪武三年知縣侯端奉詔立
學國宋令曹進之之遷址作大成殿兩廡戟門櫺星門
九年知縣張琥創明倫堂翼以兩序列尙德崇文爲二
齋十六年知縣李文建神厨牲宰房于堂北立射圃亭
於齋西永樂四年主簿劉拯復加修葺六年教諭單信
增築學門景泰元年知縣江浩以廟學圯陋廓而新之
宏殿壯麗可以儗於他邑矣冢宰何文淵記景泰六年

知縣詹靖典史李堅建文會堂冢宰何文淵記成化三年建昌府同知蕭允恭知縣葉茂高重修廟學學士劉定之記成化間知縣袁仕鳳作號房凡十間宏治戊申教諭宋暄率義民饒秉元等改建明倫堂刑部尙書何喬新記宏治戊午鄉官魏仕魁黃塹王傑等胥謀於櫺星門之南堰築石隄道溪流宏治庚申分巡僉事黃珙可諸生何灼等議毀東嶽廟以廣學基正德己巳鄉進士曾椿生員揭探禮諭揭文昭妻樂氏建青雲樓於上尙書張伯厓記正德壬申知縣梁榮作射圃亭乙亥教

諭唐鑑修大成殿文會堂訓導何常道築學溪東西兩
石壩鍾昊建櫺星門外石欄杆庚辰教諭馬光新一躍
門文會堂鄉賢祠監雲魚屏牆砌石臺及內路數十武
辛巳主簿何沾沛建戟門內之唐臺嘉靖癸未知縣余
幹修戟門遷名宦鄉賢祠于門之東西室己丑知縣毛
益重建尙德崇文二齋教諭訓導二私廨嘉靖乙未巡
按御史王公鎬臨縣訓導徐學書呈建廨舍允行之逮
知縣黃德純抵任廼建於青雲樓之右重新櫺星門蓋
號房敬一亭嘉靖己丑知縣毛益奉例建建昌府推官

羅虞臣立碑奉刻

御製敬一箴并先儒諸箴凡七道

國朝順治間知縣沈寅修 大成殿明倫堂康熙三十

九年教諭熊士伯訓導高會霖又倡修五十一年教諭

詹王孫訓導陳策敬重葺之雍正十二年饒秉元族孫

重修明倫堂

按祀典漢高祖十三年過魯以太牢祀孔子平帝

元始初追謚曰褒城宣尼公安帝延光三年祀孔

子七十二子於闕里魏正始七年始祀於辟雍以

顏回配唐貞觀中尊孔子爲先聖配以顏回詔州縣皆作孔子廟尊孔子爲宣父以左邱明卜子夏公羊高穀梁赤伏勝高堂生戴聖毛萇孔安國劉向鄭眾杜子春馬融盧植鄭康成服虔何休王肅王弼杜預范甯賈逵共二十二人並爲先師配享廟堂開元中勅改十哲爲坐像曾參坐十哲之次圖畫七十子及二十二賢於廟壁復贈孔子爲文宣王位正南面衣以衮冕牲用太牢樂舞八佾十哲東西列侍顏子贈公餘贈侯伯宋元豐七年

始以孟子同顏子配食荀況楊雄韓愈並從祀崇
甯四年詔文宣王用冕十二旒服九章大觀二年
詔躋子思從祀高宗元年加周敦頤張載程顥程
頤封爵與朱熹並從祀景定二年復加張栻呂祖
謙咸淳三年始以曾參孔伋與顏孟同配享爲四
配升顥孫師於十哲列邵雍司馬光從祀元大德
十一年加號孔子大成至聖文宣王皇慶二年以
許衡從祀延祐三年加封顏回兗國復聖公會參
鄆國宗聖公孔伋沂國述聖公孟軻鄒國亞聖公

至順元年加封叔梁紇爲啟聖王明洪武三年諡
孔子封爵仍舊二十六年頒大成樂器於天下府
學令州縣學式於府學二十九年以董仲舒從祀
罷楊雄宣德十年以吳澄從祀正統二年以胡安
國蔡沈真德秀從祀三年禁祀孔子於釋老宮宏
治八年以楊時從祀嘉靖九年改大成至聖文宣
王曰至聖先師孔子曰配曰復聖顏子宗聖曾子
述聖子思子亞聖孟子東西十哲兩廡孔門弟子
曰先賢某子左邱明以下曰先儒某子又別立祠

祀叔梁紇爲啟聖公以顏無繇曾點孔鯉孟孫激
配享稱先賢程珦朱松蔡元定從祀稱先儒罷公
伯寮秦冉顏何荀况戴聖劉向賈逵馬融王肅王
弼何休杜預吳澄十三人又以申黨申棖實係一
人去黨存棖增祀后蒼王通歐陽修胡瑗陸九淵
而以林放蘧瑗鄭眾盧植鄭康成服虔范甯七人
各祀於其鄉撤諸塑像易以木主改大成殿曰先
師廟大成門曰廟門太學用八佾十二豆籩郡國
減二等自四配以下舊封公侯伯爵盡行釐革隆

慶五年以薛瑄從祀萬厯十二年益以王守仁
獻章胡居仁二十三年以周輔成從祀啟聖祠四
十一年以羅從彥李侗從祠

國朝康熙二十三年

御書萬世師表匾額頒懸各學廟三十八年

詔各學設樂器三十九年

御製先師贊暨四賢贊頒學勒石先師贊曰清濁有氣
剛柔有質聖人參之人極以立行著習察舍道莫
由惟皇建極惟后綏猷作君作師垂統萬古曰惟

堯舜禹湯文武五百餘歲至聖挺生聲金振玉集
厥大成序書刪詩定禮正樂既窮象繫亦嚴筆削
上紹往緒下示來型道不終晦秩然大經百家紛
紜殊途異趣日月無踰堯堦可晤孔子之道惟中
興庸此心此理千載所同孔子之德仁義忠正秉
獎之好根本天性庶幾夙夜勗哉令圖邇源洙泗
景躋唐虞載厯庭除式觀禮器摘毫仰贊心焉遐
企百世而上以聖爲歸百世而下以聖爲師非師
夫子惟師於道統天御世惟道爲寶泰山巖巖東

海泱泱墻高萬仞夫子之堂孰窺其藩孰窺其徑
道不遠人克念作聖顏子贊曰聖道早聞天資獨
粹約禮博文不遷不貳一善服膺萬德來聚心齋
坐忘其樂一致禮樂四代治法皆備用行舍藏王
佐之器曾子贊曰洙泗之傳魯以得之一貫曰唯
聖學在茲明德新民至善爲期格致誠正均平以
推至德要道百行所基纂承統緒修明訓辭子思
子贊曰於穆天命道之大源靜養動察庸德庸言
以育萬物以贊乾坤九經三重大法是存篤恭慎

獨法德

哲人

既萎楊並昌
言養氣道稱
孔學傳焉功
作配五十一年
升朱子於十哲
之次五十三
年以宋儒范
仲淹從祀
雍正元年

詔追封孔子五代王爵
改啟聖祠爲崇聖祠
各省學宮
建忠義孝弟祠
仍建節孝祠於學宮之外
二年增
定從祀先賢先儒
復林放蘧瑗秦冉顏何鄭康成
范甯增縣廩牧皮樂正克公都子萬章公孫丑諸

葛亮尹煊魏了翁黃幹陳淳何基王栢趙復金履
祥許謙陳澔羅欽順蔡清陸隴其增張迪入崇聖
祠增仲弓伯牛子張有若四家博士三年奉部頒
文廟禮樂圖籍四年

御書生民未有匾額頒懸各學廟三年

命直省內外臣工每逢先師誕辰齋戒一日諱孔子名

加卽爲邸乾隆三年

御詩與天地參匾額頒懸各學廟六年升有若於十哲

復祀先儒吳澄

祭期歲以春秋仲月上丁日先二
器幣隔宿而敬省之至期各率其職肅齋祀事府
學正獻官知府分獻官同知以下縣學正獻官知
縣分獻官教諭訓導以下執事人數監宰監洗監
造膳羞收發祭器提調幕次通贊引贊司爵洗香
燭司爵司帛讀祝飲福受胙執事

祭品先師前最上爲爵三登一次之實以太羹銅二
居登左右實以和羹一黍一稷而盛以二簋一稻
一梁而盛以二簋次列登下居其左右之間簋簋